

sed etiam πνευματικῶν copia & ubertas largissima. Nostrum est hæc DEI beneficia grata mente prædicare ex Ps. 147. à v. 7. usq; ad 20; Utq; DEUS πανοικιουµων eadem perpetua esse jubeat, supplicare ipsi ex Psal. 80. a v. 15. usq; ad fin.

*Explicatio 2. partis.*

Peccatorum, quæ Hebræi designare soliti, genus est, omni generis abominatio, quæ terram illam sanctissimam prophanarunt. Species verò ipsius abominationis recensentur seqq. (1) Quod personæ Ecclesiasticæ, v. g. Sacerdotes, Doctores, Pastores, Prophetæ officium suum planè neglexerunt, veròq; veri DEI cultu posthabito, populum fidei suæ commissum à Messia, quem solum, ut Unicum salutis naturæ authorem, & consummatorem Act. 4. Hebr. 12. docere debuissent, ad exemplum Apostoli 1. Cor. 2, 2. horribili idololatria abduxerunt ad Baal & alia idola, ipsorum permissu & indultu, quin etiam exemplo fabrefacta.

7.8.

L. C. Possumus ex hoc textu facili negotio parodian objicere Monachis, Sacerdotibus, vel Sacrificulis & Doctoribus Scholasticis in regno Anti-Christi, quippe qui & ipsi miseram plebem à Christo Redemptore & Intercessore nostro Unico abduxerunt ad Mariam, & alios sanctulos, eorumq; imagines. Obiter hîc observetur distinctio graduum personarum, quæ in Ecclesiastico vitæ genere constitutæ sunt, qualis locus etiam extat Ephes. 4, 11.

(2) Quod mutarunt gloriam & majestatem DEI invisibilis, immortalis, infinitæ essentia, in idolum inutile, & de quo 1. Cor. 8. dicitur, quod planè nihil sit in mundo, idq; contra severissimum Jehovahæ interdictum Exod. 20, 4. Idem peccatum exprobrat Apostolus etiam gentibus ad Rom. 1, 23. Cæterum peccatum istud (1) notatur v. 11. & (2) atrocitas ejus graviter exaggeratur, & quidem quinq; potissimum modis, & (a) sanè à DEI indignatione, qui nimirum e nomine non tantum olim per Prophetas cum Hebræorum majoribus; sed jam etiam cum eorum posteris, tanquam in judicio, contendere & disceptare cogatur. Non enim est DEUS volens iniquitatem Psal. 5. sed Justus Judex Psal. 7. (b) per comparationem cum gentibus exteris, iisq; partim transmarinis, ut sunt Chitimi i. e. Macedoniæ & finitimarum regionum incolæ, à Kithim, tertio filio Javan Genes.

7.9.

7.10.